

03 NOIEMBRIE
RUGACIUNEA 3
SF.PREOT-MUCENIC
COSMA PETRICENKO
DE LA SARATOV

Молитва

О славный священномучениче Косьмо, пастырю и учителю наш добрый, Церкви Православныя исповедниче и Земли Саратовской велие украшение! Ты, в годы лютых гонений безбожныя власти, иже тщашася веру Христову в земле Российской истребити, воистину пастырь добрый явился еси, делом, словом и самим житием своим Православие в Российской Земле утверждая и безбожие в ней обличая и искореняя. Темже исповедническим венцом от Пастыреначальника увенчан еси и к славному Собору Святых Новомучеников и Исповедников Православныя Церкви причтён. Ныне, на небесех Царю всех предстоя, молишися ему о нас недостойных и грешных. Сего ради мы, меньшии братия твои, скорбьми и искушениями обуреваемы, вопием ти сице: помоги нам, кроткий угодниче Христов, веру

Христову до конца соблюсти, во всех заповедех и оправданиях Господних беспорочно пребывая. Иstorгни нас от лютых страстей и искушений суетного и лукавого века сего, иже грех ради наших, ослабления любви и умножившихся беззаконий на нас находящих, злых клевет и слуг их, иже суть волки хищные, что всуе тщатся вновь веру Православную в земле Российской истребити, обличи, да не возмогут ничесо же сказати противу Слова Истины, несправедно гонимых и обидимых оправдай, зло обличи и искорени, веру Православную на нашей Земле утверди.

Будь о Родине нашей до самого Страшного Суда Христова верный пред Богом Ходатаю.

Аще бо крест искушений и злостраданий наших терпеливо понести не возможем, но и тогда, угодниче кроткий Христов, не лиши нас небесного твоего заступления, вразумления и утешения, пастырю наш милостивый. Будь нам всем и во всем помощник и покровитель, и, как и во дни земного жития твоего, падающих воздвизай, малодушных утешай, заблудших вразумляй, упорствующим обличай, да не погибнем во злом упорстве нашем и не отпадем от Истины, иже есть Господь наш Иисус Христос, но паче во Православии утвердимся. Буди нам помощник во все дни жития нашего и по смерти нашей, да, водительством твоим

укрепляеми, непреткновенно пройдем
воздушныя мытарства и достигнем рая нам
вожделенного, иже с тобой и со всеми Святыми
прославим дивного во Святых Своих Пастыря
нашего Иисуса Христа, Ему же слава, честь и
поклонение подобает со Безначальным Его
Отцем и Единосущным Его Духом во веки веков.
Аминь.